



# JORNAL da REPÚBLICA

PUBLICAÇÃO OFICIAL DA REPÚBLICA DEMOCRÁTICA DE TIMOR - LESTE

§ 0.25

## Número Extraordinário

### SUMÁRIO

#### PRESIDENTE DA REPÚBLICA :

Dekretu Prezidente Repúblika númeru 18/2019 loron 17  
fulan-maiu..... 1

#### DEKRETU PREZIDENTE REPÚBLIKA NÚMERU 18/2019

##### loron 17 fulan-maiu

Hosi tinan 2014 to'o tinan 2016, Prezidente Repúblika fô kondekorasaun Orden Timor-Leste ba grupu sidadaun nasionál sira ne'ebé mak aseguira protesau no ka'er metin segredu kona-ba prezensa líder sira Frente Armada nian ne'ebé mak mai vila laran.

Iha tinan 2017 Prezidente Repúblika fô kondekorasaun Orden Timor-Leste ba grupu sidadaun sira ne'ebé mak hala'o knaar nu'udar Estafeta direta no permanente ba líder sira iha Frente Armada. Iha tinan 2017, Prezidente Repúblika fô kondekorasaun Orden Timor-Leste ba mós sidadaun sira ne'ebé mak hala'o knaar nu'udar enfermeiru ka enfermeira, ne'ebé fô tulun tratamentu saúde ba membru FALINTIL sira ne'ebé mak prezisa asisténsia ba sira-nia saúde.

Iha tinan 2018, Prezidente Repúblika, liuhosi kondekorasaun Orden Timor-Leste, hatudu rekoñesimentu no valorizasaun ba sidadaun nasionál hamutuk 46 (haat-nulu resin neen) ne'ebé fô ona kontributu boot no halo sakrifisiu ba sira-nia rain. Sira na'in 46 ne'e hothotu uluk halo parte iha Frente Armada. Maioria hosi sira ne'ebé mak hetan kondekorasaun Orden

Timor-Leste iha tinan 2018, uluk dedika sira-nia an eskluzivamente hodi halo funu iha Frente Armada durante tinan 24 (rua-nulu resin haat) sein interupsaun.

Iha loran 20 fulan-maiu tinan 2019, Prezidente Repúblika, dala ida tan, liuhosi kondekorasaun Orden Timor-Leste, rekoñese no valoriza sidadaun nasionál hamutuk 25 (rua-nulu resin lima) ne'ebé hatudu ona espíritu patriotizmu aas tebes, liuhosi dedika sira-nia an tomak, inklui entrega sira-nia moris rasik ba libertasaun Pátria ne'ebé mak okupada. Maioria hosi sira ne'ebé mak hetan kondekorasaun iha loran 20 fulan-maiu tinan 2019 ne'e, uluk dedika sira-nia an eskluzivamente hodi halo funu iha Frente Armada durante tinan 24 (rua-nulu resin haat) sein interupsaun. Balu oras ne'e sei moris hamutuk ho ita no balu fila ona ba mundu seluk.

Ita hothotu iha devér atu rekoñese no valoriza asaun patriotizmu, dedikasaun eskluziva no sakrifisiu boot hirak ne'ebé mak sidadaun sira ne'e hatudu ona durante tempu luta ba ukun-an.

Sira sakrifika sira-nia tempu juventude no husik oportunidade atu bá tuir edukasaun formál iha eskola tanba hakarak liberta sira-nia rain doben Timor-Leste. Ohin Estadu no Nasaun tomak rekoñese no valoriza, liuhosi kondekorasaun Orden Timor-Leste, ba knaar importante hirak ne'ebé mak sidadaun sira ne'e hatudu tiha ona.

Orden Timor-Leste mosu hosi Dekretu-Lei númeru 20/2009, loran 6 fulan-maiu, atu rekoñese ema estranjeiru ka sidadaun nasionál, ne'ebé mak liuhosi sira-nia atividade profisionál, sosiál ka asaun espontánea ne'ebé nakonu ho korajen, fô ona kontributu boot ba Timor-Leste, ba Timoroan ka ba umanidade.

Nune'e, Prezidente Repúblika, liuhosi proposta Konsellu Agrasiamentu no Orden Onorífika nian, ne'ebé harii liuhosi Dekretu Prezidente Repúblika númeru 13/2013, loran 24 fulan-jullu, no bazeadu ba kompeténsia ne'ebé temi iha alínea j) hosi artigu 85 Konstituisaun Repúblika Demokrátika Timor-Leste, konjuga ho artigu 2, ho artigu 4, númeru 1 no mós ho artigu 5, alínea a) hosi Dekretu-Lei númeru 20/2009, loran 6 fulan-maiu, dekreta:

**I. Sidadaun hirak tuirmai ne'e hetan kondekorasaun "Kolár Orden Timor-Leste":**

<b>N.º</b>	<b>Naran</b>	<b>Kódigu</b>	<b>Postu</b>
1	José Agostinho Sequeira	Somotxo Matar Mimiraka	Kolaboradór Xefe Estadu Maiór
2	Américo Ximenes	Sabika Besi Kulit	1º Komandante Rejiaun no Sekretáriu Rejiaun II

**II. Sidadaun hirak tuirmai ne'e hetan kondekorasaun "Kolár Orden Timor-Leste", a título póstumo:**

<b>N.º</b>	<b>Naran</b>	<b>Kódigu</b>	<b>Postu</b>
1	Reinaldo Freitas Belo	Kilik Wai Gae	Xefe Estadu Maiór
2	Afonso Henrique Monteiro	Kaluwai	Kolaboradór Xefe Estadu Maiór
3	Venâncio Ramos Amaral Ferraz	-	Komandante Rejiaun Haksolok
4	Virgílio dos Anjos	Ular Rihik	1º Komandante Rejiaun IV
5	Felisberto Maria dos Santos	Solep Solep	Adjuntu Polítiku Militár Rejiaun III
6	Etelvina Fernandes Belo	Bi-doli-mau	Adjunta Polítiku Militár Rejiaun III
7	José Maria do Rosário Albano da Costa	Mausiri	Komisáriu Polítiku
8	Diogo Bonaparte Soares	Lorsan	Adjuntu Polítiku Militár Rejiaun III

**III. Sidadaun hirak tuirmai ne'e hetan kondekorasaun "Medalla Orden Timor-Leste":**

<b>N.º</b>	<b>Naran</b>	<b>Kódigu</b>	<b>Postu</b>
1	Manuel Freitas	Lenicai	2º Komandante Kompañia
2	Fernando Bere-Du'u Gusmão	Bere Du'u	Komandante Pelotaun
3	Orlando Jerónimo da Costa	Serasa	Komandante Pelotaun
4	João Cabral	Mau Wairia	Komandante Seksaun
5	António da Costa	Derak	Soldadu
6	Lourenço da Silva Freitas	Parli	Soldadu
7	Armando Viegas	Atchatei	Soldadu

IV. Sidadaun tuirmai ne'e hetan kondekorasaun "Medalla Orden Timor-Leste", a título póstumo :

<b>N.º</b>	<b>Naran</b>	<b>Kódigu</b>	<b>Postu</b>
1	Januário Xavier	Lekas	1º Komandante 6ª Kompañia/ Rejiaun Haksolok
2	Filomeno da Silva	Mer Sabala	1º Komandante 5ª Kompañia/ Rejiaun Nakroman
3	Henrique de Oliveira	Sama Lae	1º Komandante Destakamentu Norte/Rejiaun Haksolok
4	Roberto das Neves	Txaibada	Komandante Kompañia
5	Regina Xavier	Mahon	Asistente Polítiku Militar Rejiaun Haksolok
6	Cesário Ximenes	Liter	Komandante Seksaun
7	Agostinho Sarmiento	Mautino	Soldadu
8	Domingos Pinto	Funu kiak	Soldadu

Tenke publika Dekretu ida ne'e.

Prezidente Repúblika

**Francisco Guterres Lú Olo**

Asinadu iha Palásiu Prezidensiál Nicolau Lobato, iha loron 17 fulan-maiu 2019